



聖門志卷之五

臨邑志林第六十一帙

海鹽

呂元善纂輯  
姚士麟

胡震亨訂閱

男呂祥參考

古蹟

叙曰代與時移物隨世變居今考古匪蹟曷因  
故觀畫邑城而君臣之義嚴八曲阜里而聖賢  
之道著過麟塚者嗟周道之衰登琴堂者慕君  
子之化凡一事一物經聖賢所履有不驚觀天

球夜光愛而慕之者乎寧與廢苑荒城故宮斷  
褐令人墮峴山之淚增離黍之悲者同日語哉  
後之君子歷聖域而遺蹟可求觀遺蹟而景行  
是思矣

地里

山

水

城

堂

亭

臺

閣

樓

館

宮

室

祠

書院

墓

樹

廟

林

地里

闕里在曲阜縣先聖廟東相傳在魯兩觀闕右故  
名漢晉春秋曰闕里者夫子之故宅也又云魯  
縣有二石闕曰闕里蓋里門也按闕里辨云古  
今稱闕里者其說各異所言二石闕曰闕里其  
謬遠矣自先聖作春秋成號稱素王闕里者素  
王之庭除也不曰鄉里而曰闕里蓋謂聖人講  
道之庭諸弟子尊稱也歷代帝王之庭曰帝闕  
曰金闕曰玉闕曰鳳闕皆帝庭之稱也聖人之  
庭曰闕里以別羣祠之稱耳後漢鮑永為魯郡

太守孔子闕里無故荆棘自除從講堂至里門  
愚故曰蓋里門也

魯親里聖母顏氏之所居也

安樂里聖配行官氏之所居也

漢永壽二年魯相韓叔節以聖族之

親禮所宜異復其邑中繇發有碑記惜歷年久遠二里之名雖存而其地不可考矣

孔里昔孔子沒魯人就冢次而居者百有餘室因

名曰孔里

莊嶽街在青州府

陋巷在曲阜縣治東即顏子故宅

達巷在兗州府西北五里相傳即達巷黨人里

回車巷在南直廬州府巢縣西北一十五里相傳

孔子至此回車故名

闕黨在兗州府城東北一里即闕黨童子里

互鄉在河南開封府商水縣即互鄉童子里

周即今之河南洛陽縣乃周公相成王所營之洛邑謂之王

城下都周平王東遷在此孔子適周嘗至其地

衛即今之河南南衛輝府古朝歌之地本紂所都春秋邶鄘二

國并入於衛孔子擊磬於衛即此地也

蔡即今之河南新蔡縣古為呂國春秋時蔡平侯徙都於此

孔子適蔡即此地也

陳即今河南南陳州武王封帝舜之後於此即孔子絕糧之

地也

宋即河南南歸德府周封微子於此孔子曰宋不足徵即此

地也

杞即河南南杞縣周封夏禹之後於此孔子曰杞不足徵

即此地也

宣王陂在河南衛輝府修武縣北十里孔子欲北

之趙至河聞趙簡子殺大夫竇鳴犢遂不過河

後以孔子追王文宣王因名為宣王陂

夫子崖在四川夔州府梁山縣峽石市之北有書

院峽每風雨冥冥如聞讀書之聲故其中有夫

子崖子貢壩

夫子巖在河南歸德府永城縣北相傳孔子經此

後人因肖像於壁間

阿谷在兗州府曹州南三十里即孔子南遊於楚

見列女佩璜之地

麟冢在兗州府鉅野縣東南三十里春秋魯哀公

十四年春西狩獲麟孔子往觀之即此

端門在曲阜縣聖廟東南孔子將沒謂子貢曰端

門當有赤書子貢候之果然書曰趣作法孔聖

沒周姬亡彗星出秦人滅胡亥術書既散孔不  
滅子貢以告因往觀之化爲赤烏飛去蓋緯書  
依托之辭也

矍相圃在曲阜縣先聖廟西南一百二十步周圍  
二里昔先聖射於矍相之圃觀者如堵晉太康  
志曰矍相圃在魯城內縣西南近孔子宅是也  
今圃中猶存舊井皆石爲之泰和四年衍聖公  
孔元措築臺於中今改爲曲阜縣學

五父衢在曲阜縣東南五里先聖殯母之所

延陵鎮在南直鎮江府丹陽縣鎮有嘉賢廟祀季

札唐刺史殷仲容刻孔子所書季札墓前石碑  
上十字於廟中宋楊傑詩云戰國相吞禮義微  
延陵季子救周衰當時若嗣諸侯位後世誰傳  
十字碑

孔賢庄在北直真定府冀州衡水縣西北一十五  
里孔子三十二世孫孔穎達始家於此子孔志  
孫孔惠俱爲司業又三十七世孫孔巢父冀州  
人與李白等號竹溪六逸子孔戣官至禮部尚  
書唐憲宗時爲嶺南節度使因家於廣東南雄  
府保昌縣子遵孺溫裕皆登進士第

山

尼山在曲阜縣東南六十里卽顏母所禱處也其東有顏母山其西有昌平山山脉皆自泰山來其山五峰連峙謂之五老峰中峰卽尼丘迥出霄漢間所謂圻其頂者此也中峰之麓有先聖廟廟北爲中和壑壑上有觀川亭子在川上處壑下沂水出焉水經註曰沂水出魯城東南尼丘山西北是也流而下注爲智源溪溪流而南其上爲坤靈洞洞有三門中爲一室廣可兩楹內有石床石枕石几皆天成也元皇慶間廟戶

管用吉成人而見之鄉尹司居敬因刻孔子石像於中其後為兵所損子孫奉之葬於山巔過溪而東有文德林宋仁宗皇祐二年以孔子誕

生之地封山神為毓聖侯有御製碑記金章宗泰和八年八月二十七日以先聖誕辰前期一日宗子率合族詣尼山廟祭奠日方午俄聞空中有樂作皆金石絲竹之聲凡在一舍間皆聞之

歲以二月十八日八月二十七日祭享與顏母山同日俱曲阜縣官行禮

顏母山在尼山東三里兩山相對中隔沂水上有顏母井及祠堂遺址

昌平山在尼山之西五里史記孔子生魯昌平鄉

即此今名魯源村

防山在曲阜縣東二十里高三里啟聖王墓在山北二十里

泰山在濟南府泰安州北五里為東嶽岱宗亦曰

充鎮其山周圍一百六十里崎五十步盤道曲

屈而上凡五十餘盤經小天門大天門仰視天門如從穴中視天窓矣自下至古封禪處凡四

十八里三百步上有孔子崖在岳頂西南即孔子登此望見闔門白馬以示顏子處嘉靖間山

東巡撫朱衡建孔子登臨坊狀元羅洪先題萬



曆十二年濟南府推官郝大猷又建至聖廟

孔子山

有二

一在兗州府平陰縣南三十里上有孔子教書堂遺址

一在湖廣黃州府東一百里相傳孔子自衛適楚嘗登此山有坐石草木不侵有石硯雨下墨水浸出東有顏子巷北有回車坡元時龍仁夫嘗築書室於其麓

孔望山在南直淮安府海州城東五里昔孔子問官於郊子嘗登此山以望東海

夾谷山在濟南府淄川縣西南三十里舊名祝其山卽魯定公十年公會齊侯於夾谷孔子攝行之所

黃城山在河南南陽府葉縣北一十里卽葉人長沮桀溺耦耕處下有東流水是孔子使子路問津之所後人因建問津橋今設問津鋪

廟山在浙江處州府城內擇山唐時李繁建孔子廟於上俗呼爲廟山

嵩山在南直寧國府南陵縣南六十里有石室相傳孔子嘗游後人因置書堂於此

聖公山在兗州府泗水縣東南六十里山巔有孔子書臺遺蹟

蒙山在兗州府費縣西北七十里當時居魯國之東又名東山孟子謂孔子登東山而小魯卽此曾子山在兗州府滕縣東一百二十里山上有晒書臺相傳曾子嘗讀書於此

馬鞍山在鄒縣北二十里以形名孟子父母墓在焉宋孔道輔建廟於墓前

四基山在鄒縣東三十里山巔有石狀如堂基故名其西麓爲孟子墓墓前有廟孔道輔建

### 水

洙河在曲阜縣北二里卽泗水分流也水經出泰山蓋縣西南至卞縣受盜泉水盜泉出卞城東北卞山之陰又西南流於卞城西合於泗水至魯縣東北分爲二水北爲洙瀆春秋莊公九年冬浚洙是也今由孔林橫流過宣聖墓前復西南流至縣過西苗孔橋又西入沂水

泗河在曲阜縣北八里先聖林之後國語宣公夏濫於泗淵里革斷畧棄之韋昭云在魯城北是也由泗水縣陪尾山發源來入境逕齊國公墓

後又達先聖林之後西南流至兗州府城東沂水來入之達於濟寧天井闢入漕

沂河在曲阜縣南門外卽曾點所浴處也發源尼山之麓西北流逕縣城南又西流至兗州府城東入於泗水水經所謂魯雩門也河南岍有舞雩臺

孔子泉在四川夔州府巫山縣泉之傍雖童子皆能書

滄浪淵在兗州府嶧縣北車稍山下孟子謂滄浪之水清兮卽此

孟母池在馬鞍山西孟母故宅前大數畝其水冬夏不涸

準字池在兗州府汶上縣堂上相傳孔子爲中都宰時所置以石爲之

顏母井在昌平山中遺址猶存每歲春秋祭尼山之日遣孔氏族人祭其井

孔子井在南直寧國府寧國縣南一百一十里相傳孔子遊吳時所鑿

顏子井在曲阜縣顏廟前

魯參井在南直徐州城北九里山

季桓子井在曲阜縣周公廟正北亦魯故宮也圍  
五丈三尺深八十尺以石爲之史記季桓子穿  
井得土缶中若羊問孔子云得狗孔子云以丘  
所聞獐羊也地後爲勝果寺今廢有井存焉  
觀臺井在曲阜縣東北周敬王三十六年孔子繫  
易於此

### 城

古魯城在曲阜縣城外周廼延袤十餘里城門十  
二南曰稷門曰章門曰雩門北曰圭門曰齊門  
曰龍門東曰建春門曰始明門曰鹿門西曰史  
門曰歸德門曰麥門自黃帝神農少昊皆都曲  
阜其後周公封焉漢魯共王亦都其地  
故鄒城在鄒縣境內卽叔梁紇所治之邑  
故致密城在汶上縣卽古魯中都也孔子爲宰於  
此

故顯夷城在費縣西北九十里蒙山之陽魯附庸

國隋置顯史縣屬沂州其南二十餘里又有顯  
史舖

古費城在費縣西北二十五里古鄆伯國姬姓後  
為季氏私邑

故武城在費縣西南八十里石門山下所謂南武  
城也謂子游絃歌舊邑曾子所居今名為絃歌  
里

故南武城在費縣西南八十里即曾子葬父處王  
符所謂南城之冢也亦名曾子山

故休城在滕縣西二十五里孟子去齊居此

故靈丘城在滕縣城東四十里明永河之南周隔  
八里內有子城即孟子謂蚺鼃所辭者

故單父城在單縣城南一里即宓子賤巫馬期所  
宰之邑

故廩丘城在鄆城縣西南孔子在齊齊景公欲以  
廩丘之邑為孔子養辭而不受即此地也

南武城在嘉祥縣南四十里世傳曾子故里也以  
在南武山故名其城改為阿城今於其地建宗

聖公祠

故平陸城在汶上縣北

故范城在壽張西二十里孟子自范之齊卽此  
古郟城在郟城縣東北其中有郟子故宅遺址尚  
存卽孔子問官處

任城在濟寧州孟子由鄒之任見季子卽此

故卞城在泗水縣東五十里古卞明國也春秋地  
入於魯爲卞莊子之邑卽子路故里

故薛城在滕縣南四十里

謝過城在濟南府泰安州境內卽孔子攝行相事  
齊人以汶陽田歸魯謝過者因謂之謝過城

晝邑城在青州府臨淄縣西北二十里孟子去齊

### 三宿於此

蒲城在大名府開州長垣縣今爲縣治子路爲蒲  
宰孔子入其境稱有三善卽此地也

匡城

一在大名府長垣縣西南十五里春秋時衛之  
匡邑也孔子自宋適陳過匡卽此

一在歸德府睢州之城西三十里

按春秋時地皆屬衛且相接壤故志重紀之

儀城在開封府蘭陽縣西北二十里與儀封縣接  
壤卽儀封人請見孔子處今縣北有儀封鄉

滕城在滕縣西內有滕文公廟

曬書城在濟南府城縣西南三十里相傳孔子

曬書於此元承務郎尹程有詩

曲阜故城在今縣城東十里歷宋元三遷於此正

德間遷今治舊址尚存

### 堂

教書堂在兗州府平陰縣南三十里紫蓋山上相

傳孔子教書於此故名

燕居堂在河南府盧氏縣治東南相傳孔子周流

至此後人建堂

傳道堂在盧氏縣治西北有孔子曾子塑像

思聖堂在汶上縣堂之西魯定公九年孔子爲中

都宰卽此地也宋元祐三年縣尹周師忠建今

城內坊上有中都古治四字

夫子堂

有二一在兗州府魚臺縣東南二十里相傳

天子適陳過此所居故名一在福建建陽縣書坊中有孔子塑像書籍為天下所資

宣聖燕申堂在兗州府東平州東北一里元至元間郡守王主敬建三氏教諭張翰為記

曾子琴堂在嘉祥縣治東相傳曾子鼓琴於此金

太和七年蘇思忠建嘉靖九年知縣王時佐取石為泮宮橋其堂遂毀

子貢廬墓堂在先聖墓西嘉靖三年僉事蕭瑞建

孟母斷機堂在鄒縣城東南以孟母斷機為名元

時縣尹司居敬建

孟子盡心堂在河南開封府匾曰孟子遊梁處

孔子祠堂在南直蘇州府長洲縣東倉橋之東地

名孔聖里祠後有池其水深黑名為墨池而先

聖裔侍郎孔鏞世家其地

本朝正統間祠堂始廢南有顏回坊子路巷又南

為孟氏祠皆為豪右所毀而遺址不存惜哉史

不言孔子適吳固不可考然必適吳之時史失

傳也



亭

傾蓋亭在郟城縣北十里孔子遇程子於途傾蓋而語命子路以束帛贈之後人因建亭焉

昌平亭在昌平山下漢建寧二年魯相史晨碑記伏念孔濱顏母井去市道遠酤買不能得香酒美肉今於昌平山立會市

駐驛亭在先聖墓道東宋真宗駕詣闕里顧問先聖墳何在子孫引導鑾輿至林奠謁畢坐於亭上宣兩府及兩制賜茶亭有古碑字多殘闕帝命詞臣拂蘚辨認盤桓久之今輦路與亭俱存

觀川亭在曲阜縣東五十里尼山卽子在川上處  
詠歸亭在曲阜縣城南卽曾點詠歸處

顏樂亭在曲阜縣顏廟前舊有廢井宋膠西太守  
孔宗翰作亭名曰顏樂司馬光有銘蘇軾有記  
程顥有詩

闕亭在汶上縣西南旺湖中魯自隱桓以下皆葬  
於闕定公元年葬昭公於闕先君墓道南孔子  
爲司寇乃溝而合之卽此地也

孟止亭在萊蕪縣治東南孟子葬母反於齊止於  
嬴卽此洪武間改爲觀德堂今廢

麟鳳亭在兗州府鉅野縣治北元文宗至順間縣  
簿樊遜重修以其地有獲麟落鳳二臺故名其  
亭

望嶧亭在馬鞍山孟母墓傍

臺

孔子聞韶臺在濟南府濟陽縣東北三十里孔子  
在齊聞韶於此元時建大成殿肅政廉訪王士  
熙爲記

孔子春秋臺在曲阜縣南十里

孔子曬書臺在泗水縣東南五十里聖公山上相  
傳孔子曬書於此

文雅臺在河南歸德府城東南一里孔子適宋與  
羣弟子習禮於樹下卽此

花臺在南直廬州府巢縣西橐臯鎮狀如圓壇可

谷千人俗傳孔子與羣弟子嘗憇於此

厄臺在河南開封府陳州南相傳爲孔子絕糧之所宋王禹偁嘗作銘其序曰天地厄於晦冥日月厄於薄蝕山川厄於崩竭聖人生而肖天地之貌稟日月之靈鍾山川之粹得無厄乎所以虞舜厄於歷山夏禹厄於洪水成湯厄於夏臺文王厄於羗里我夫子厄於陳蔡其道一也泗臺在泗水縣東北八里卽孔子問禮於老聃處兩觀臺在曲阜縣東南周圍各四十步高二丈東西相去一百步春秋魯定公二年先聖爲司寇

攝行相事誅少正卯於此今有石刻兩觀

獲麟臺在鉅野縣東南五十里卽西狩獲麟之所後於此築臺

落鳳臺在鉅野縣城北僅百步石高數仞相傳春秋時有鳳集此因名

周公臺在曲阜縣城北高阜上相傳魯太廟舊址子入太廟每事問卽此

三歸臺在東阿縣城南三里孔子謂管氏有三歸卽此遺址尚存

舞雩臺在曲阜縣南曾點風乎舞雩卽此

曾子耘瓜臺在嘉祥縣南四十里南武山之東卽  
曾子耘瓜誤斬其根處也其臺有二高一仞許  
南北相峙廣袤南者約五畝北者約三畝  
子思曝書臺在鄒縣城南中庸精舍傍相傳子思  
曝書於此元縣尹司居敬築

弦歌臺在東昌府武城縣西十里上有子游祠  
琴臺在兗州府單縣治北相傳子賤爲單父宰身  
不下堂鳴琴而治後人卽其鼓琴處建臺

孟望臺在東昌府范縣舊城東二里洪武間知縣  
張沆建孟子祠於上

### 閣

奎文閣在曲阜縣西先聖廟前金明昌二年建開  
州刺史高德裔修

本朝設典籍一員掌之

文淵閣在午門內之東凡十間西五間中揭文淵  
閣三大字牌扁牌下置紅櫃藏三朝實錄宣德  
初年

聖駕至此蓋殿閣皆是至尊所御之處原設官之  
意止可待坐備顧問無正坐禮天順間李賢以  
傍坐不安令人移紅櫃壁後欲設公座踰數日

上遣太監傳恭送銅範飾金孔子像并四配像一  
龕來遂置於中間又數日遣太監裴當送聖賢  
畫像一幅來懸於龕後壁上李賢乃不設座  
尊經閣天下廟學皆有

樓

孔觀樓在徐州東南呂梁洪河岸之上隆慶間建  
又舊有孔子觀呂梁坊相傳孔子觀呂梁之水  
而見蹈水之人卽此地也

望海樓在兗州府鄒城縣東三十五里相傳孔子  
嘗登此望海

館

孟館在東昌府茌平縣治東相傳孟子遊齊梁時  
嘗館於此

宮

齊宮在青州府城內城隍廟西遺址存焉卽齊宣  
王見孟子處

上宮在兗州府滕縣相傳孟子之滕館於此卽今  
廟是也

### 石室

石室在四川成都府漢景帝時文翁爲蜀郡太守  
修學宮作石室以詩書教人風俗丕變比於齊  
魯興平初太守高朕又增一石室始作禮殿以  
祀孔子周公畫七十二子三皇五帝三代兩漢  
君臣於殿寢

### 祠

二賢祠在兗州府單縣舊城北臺上祀單父宰宓  
子賤巫馬期宋慶曆四年知縣孔叔詹建後廢  
景泰五年知縣葉斌重修有記嘉靖六年山東  
參議劉淑創建堂堦門宇春秋上丁致祭

滕文公祠在滕縣西南元大德間建取孟子告文  
公以性善之義名性善書院萬曆三年更爲祠

書院

凡獨爲聖賢而專祀者各附於  
列傳之下惟共祀者俱載於此

宣成書院在廣西桂林府治北宋景定間經畧朱  
禩孫以張栻呂祖謙俱嘗游此因請於朝祀之

理宗書額賜焉蓋合二公之謚以爲名洪武初  
以其地爲臨桂縣學正統間復建於學之西  
學書院在江西南昌府治東嘉靖中提學副使  
王宗沐建祀宋儒周敦頤程明道  
瀾書院在福建漳州府龍溪縣文山之麓正德  
四年給孔子六十二世孫孔文悖衣巾主祀  
涵汪書院在福建莆田縣東北宋知軍事楊棟建  
祀唐莆田令宣聖裔孔仲良理宗賜御書扁額  
松峯書院在山西樂平縣南四十里羅庄宣聖裔  
孔克威建呂思誠爲記

### 墓

微子墓在河南歸德府城之南乃孔子始封於宋  
之祖

殷太師墓在河南衛輝府城北墓前有石題曰殷  
太師之墓相傳以爲孔子所題

季札墓在南直常州府江陰縣中浦南距武進縣  
七十里昔孔子遊此爲題其墓曰嗚呼有吳延  
陵季子之墓宋時復取孔子所書十字刻碑表

### 識

桓魋墓在南直徐州桓山孔子見其爲石槨而以



喪欲速朽譏之卽此

萬章墓在鄒縣城西南十里萬村成化十九年知縣張泰始立碑表其墓每歲以春秋致祭萬曆間知縣許守恩復加封樹且自爲文紀其事焉公孫丑墓在鄒縣西北十里地名南公孫立碑表墓春秋致祭與萬章同

孔穎達墓在北直真定府冀州衡水縣西北二十

五里

穎達孔子三十二世孫

全甫

褒聖侯墓在河南歸德府寧陵縣褚堁村唐貞觀初孔子三十六代孫孔璲嗣爵褒聖侯葬此

泗水令墓在孔林孺垣外之西北葬四十二代孫

孔光嗣中興祖仁玉之父也

中興祖墓在孺垣之外先聖墓東北葬四十三代

孔仁玉

封隴西郡太君李氏墓在殿中丞墓之前中興祖夫人也

殿中丞墓在先聖墓西南葬四十四代孔宜

工部侍郎墓在泗水令墓西北葬四十四代孔勗

諫議大夫墓在中丞墓之西北葬四十五代孔延

澤

御史中丞墓在員外墓之西南葬四十五代孔道  
輔張宗益有銘

尚書比部員外郎墓在諫議墓之西北葬四十六  
代孔宗愿

文肅公墓在先聖墓西北葬衍聖公孔思晦今公  
爵之始襲封者也

祭酒公墓在文肅墓之西北葬文肅之子孔克堅  
自此而西北行穴皆歷代宗子塚也不備載其  
餘族人皆環壙垣之外葬之三千年無異處者  
其周禮墓大夫之遺與

### 樹

孔子手植檜三株兩株在贊德殿前高六丈餘圍  
一丈四尺其文左者左紐右者右紐一株在杏  
壇東南隅高五丈餘圍一丈三尺其枝蟠屈如  
龍形世謂之再生檜晉永嘉三年枯死隋義寧  
文元年復生唐乾封二年又枯死宋康定元年復  
生金貞祐甲戌北虜犯闕里焚及三檜適四十  
尚九世孔塘爲廟學正洎族人避兵於廟俄有五  
色雲覆其上雲中羣鶴翔鳴良久而散幸收煨  
燼之餘携至闕下至大甲申內省知事除開封

府李世能命工刻爲先聖容暨從祀諸賢像召  
行聖公孔元措瞻仰因紀其事後八十年歲在  
癸巳是爲元世宗至元三十年導江張頌爲三  
氏學教授甲午春東廡頽址甃隙間茁焉其莖  
躬徙復於故處矢之曰此檜日茂則孔氏日興  
明年春翠色葱然又明年丙申秩滿去喜其言  
之有徵也因識以銘據是年距我

國朝洪武改元僅七十五年檜之復生乃開我中  
原盛治兆也迨弘治己未聖廟災復燬至今百  
餘年雖無枝葉而直幹挺然狀如銅鐵皮生苔

鮮生意隱然不見朽腐他日復榮諒可必也宋  
米芾有贊元導江張頌有銘五十三代孔涇有  
記兖州府知府童旭置石欄護之

孔林古楷在享殿後高四丈五尺圍一丈枯而不  
朽水經註孔子旣葬弟子異國各持其土所宜  
植於墓前此蓋子貢手植也

顏林石楠在復聖墓前可四十圍土人云顏子手  
植也

孟廟古檜三株二株在寢殿前一株在殿後高數  
丈徑十餘圍枝盤曲如龍蛇狀宋徽宗宣和中

朱令建時所植

孔廟松檜歷周漢晉榮茂如雲至金泰安三年季冬入東蒙移松一千株

孔廟柏舊有二十四株歷漢晉大可蔽牛枯折者魯人不敢取宋江夏王義恭悉伐之故今廟松檜多而柏少

### 孔廟

杏壇在先聖殿前卽先聖與弟子授受之遺址也  
杏壇石碑金党懷英書

魯壁在先聖廟中金爲金絲堂按世家孔子卒諸儒講鄉射於夫子所居堂魯哀公因立爲廟初孔子九世孫孔鮒秦時爲文通君李斯議焚書鮒覺走還收其論語孝經藏於壁中至漢魯共王欲壞孔子故宅以廣其居聞壁中金石絲竹之音遂不敢壞已而孔安國發壁得古文經書金人以其故址爲金絲堂宋王禹偁有銘

夫子甕漢鍾離意爲魯相出私錢萬三千付戶曹  
孔訢修夫子車身入廟拭几席劔履時有男子  
張伯除堂下草中得玉璧七枚伯懷其一以六  
枚白意意令主簿安置几前其堂下床首有甕  
甕意召訢問答曰夫子甕也皆有丹書人莫敢  
發意曰夫子所以遺甕欲以垂示後人因發之  
得素書文曰後世修吾書董仲舒護吾車拭吾  
履發吾筭會稽鍾離意壁有七張伯懷其一意  
卽召問伯果服焉

孔子石硯在夫子故宅廟屋三間牀前有石硯一

枚制甚古朴蓋夫子平生時物也

古碑後漢永壽二年魯相顏午救復顏氏元官氏

繇發碑大尉鍾繇書建寧二年魯相孔晨奏出

王家穀祀夫子碑魏黃初元年制命二十一世

孫孔羨爲宗聖侯奉家祀碑曹植撰隋大業七

年曲阜縣令陳叔毅修廟碑汝南仲孝俊撰唐

乾封元年贈太師魯國孔宣公碑崔行功撰開

元七年修孔子廟碑李邕撰開元二十八年修

文宣王廟碑張之宏撰咸通十年修文宣王廟

碑賈防撰景福二年滅黃巢紀功碑宋太平興

國八年修夫子廟碑呂蒙正撰大中祥符元年  
真宗御贊碑并儒臣王旦等作七十二賢贊景  
祐四年創建講學堂碑成昂撰景祐五年修五  
賢堂碑孔道輔撰金明昌二年修至聖文宣王  
廟碑党懷英撰大定三十一年建鄆國夫人殿  
碑党懷英撰杏壇石刻党懷英篆元大德十一  
年加封大成至聖文宣王誥碑元統元年勅賜  
曲阜孔廟田宅碑歐陽玄撰  
祠寇像石刻在大成殿內  
繞几像及行教小影二石刻在奎文閣壁

俱吳道  
子筆

### 孔林

白兔溝在先聖墓北有虛墓五間皆石爲之秦始  
皇發冢有白兔出於中始皇逐之至曲阜西八  
里溝而沒魯人因名其溝曰白兔溝

石壇昔先聖沒弟子於冢前甃甃爲壇方六尺至  
後漢永壽元年魯相韓叔節始易之以石方三  
尺厚如之縱橫各七其數四十有九四面皆歷  
代題名歲久漫滅字不可讀

石龕在子思墓前一龕徑三寸深半寸前漢居攝  
元年二月造有曰谷府卿者有曰祝其卿者字

甚古拙餘字剝落

冢壁秦始皇既焚書坑儒乃發孔子墓欲取經傳  
墓既啟遂見冢壁上刊文云秦始皇何強梁開  
吾戶據吾牀飲吾漿唾吾堂食吾飯以為糧張  
吾弓射東墻前至沙丘當滅亡始皇甚惡之及  
東遊乃遠沙丘而循別路忽見羣小兒攢沙為  
阜問之何為荅曰此為沙丘也從此得病而亡  
或云孔子將此遺書曰不知何男子自謂秦始  
皇上我之堂據我之牀顛倒我衣裳至沙丘  
聖門志卷之五終

聖門志卷之六

鹽邑志林第六十三帙

黃國樊維成彙編

海鹽

姚士麟

呂元善纂輯

胡震亨訂閱

男呂祥參考

二氏世系

叙曰崇儒重道優寵聖裔莫如我

明孔氏則一聖公二博士三學錄外又有族長舉  
事而一切散宗俱飾衿佩以禮於有司顏曾孟  
三氏各一博士其恩可為至渥矣迺若元聖周

公是

先師當年所夢想先賢子路爲及門之高第今考其廟祠止立一衣巾奉祀反不得比從祀之先儒而僅等於近代之鄉賢非所以光俎豆而隆盛典也本得景泰六年以周濂溪嫡長子孫周冕程伊川十七世孫程克仁朱文公建安縣九世孫朱挺俱奉

聖旨除授翰林院世襲五經博士主奉祀事嘉靖元年詔以朱熹守婺源縣祠十一世孫朱野雲錄翰林院五經博士時守臣張芹等援孔氏曲

阜衢州兩博士之例以請故也萬曆四十五年河南巡按張至發奏稱先儒邵康節之學契真脉於聖人表正宗於群儒卽在當時爲二程所嚴事明道推尊至比之顏氏子輿而其終考之安樂窩獨完好無恙於天津之南畔見有二十六世孫邵南世系章章可考宜視程氏例世襲博士使伊洛之上兩氏世通家而並崇之以矜式士類其父邵古宜如程向配食啟聖今曲阜縣周公七十三世孫東野武泗水縣子路六十一世孫仲則顯當事者亦宜奏請如程朱之例



同邵南一體授世襲博士以奉祀事庶誦法聖  
賢者大有以慰其褒德崇功之心我  
朝崇儒重道之典庶爲完善矣其二氏世系附之  
末簡以便秉禮者得援例以請云

### 元聖周公

周公名旦武王弟封於魯不就封留佐武王世子  
元子伯禽成王元年之國次子留相王室其餘  
食小國者六人樊蔣邢茅服祭也

魯國

始魯公伯禽終頃公讐共三十三君  
凡八百七十三年楚考烈王滅之

### 祀典

唐高祖武德二年詔國子學立周公孔子廟各一  
所

唐高祖武德七年帝詣國子學釋奠於先聖先師  
以周公爲先聖孔子爲先師配享

唐太宗貞觀二年左僕射房玄齡等請別祀周公  
升孔子爲先聖以顏回配享從之

唐高宗永徽中復聖周公師孔子顯慶二年以周  
公作禮樂當同王者之祀乃以周公配武王而  
孔子獨爲先聖夫周公象周易制禮作樂非無  
學術迺祀在彼不在此蓋各有所重也

廟宇

周文憲王廟在兗州府曲阜縣城東北三里故魯  
太廟之墟卽孔子入廟每事問處也伯禽受封於  
魯成王賜以天子禮樂奉周公祀至宋大中祥符

元年真宗幸曲阜追封文憲王重建新廟御讚碑  
文尚存

國朝成化二十二年 詔頒降祝文令曲阜縣官

每歲以春秋仲月致祭如禮仍命重修廟庭置洒  
掃廟戶弘治二年山東撫按始訪求其後給六十

九代宗子東野禮衣巾主奉祀事正德十三年置  
祭田祭器自此以後守臣相繼恢廓廟制大備其  
制正殿五間中祀周公以魯公伯禽配享後爲寢

殿前爲兩廡以魯公子考公名煬公配幽公考

子魏公公厲公公獻公公真公公武公公

教真懿公戲武孝公稱懿惠公不湟孝隱公息姑  
 公弟允惠莊公同桓閔公開莊僖公申莊文公  
 子桓公公宣公倭文成公黑肱宣襄公午成昭公嗣襄  
 興僖公定公宋昭哀公蔣定悼公寧哀元公嘉悼穆公元  
 公公共公奮穆康公毛共景公偃康平公旅景緡公  
 賈平公頃公讐緡三十二公從祀齋房牲所列於兩  
 廡之後其前為門二重門外石坊二座左榜曰經  
 天緯地右榜曰制禮作樂萬曆二十二年巡撫鄭  
 汝璧巡按連標大加修飭仍於櫺星門外剏石坊  
 一座榜曰元聖

東野氏姓譜

先儒東野魚后稷之後周公之孫也后稷姬姓諱  
 棄始封於郃生子不窋失其官守竄於戎狄不窋  
 生鞠陶鞠陶生公劉克修先業往遷於豳公劉生  
 慶節慶節生皇僕皇僕生差弗差弗生毀隄毀隄  
 生公非公非生高圉高圉生亞圉亞圉生公叔祖  
 類公叔祖類生太王徙都於岐太王生王季王季  
 生文王作邑於豐文王生周公佐兄武王克商授  
 封於魯生子伯禽襲封之國都於曲阜伯禽生第  
 三子諱魚賜東野田一成以自養因以田為氏魚

遂爲東野氏之始祖

宗子世紀

二代東野宗度東野田中勝處建祠以妥先靈歲  
供時祀生子雷

三代東野雷生子二長暄次晞

四代東野暉生子二長璠次振

五代東野璠生子惠

六代東野惠生子二長灝次淳

七代東野灝嗣絕弟淳生子二長晉次申

八代東野晉有孝行不挾貴以驕人生子僖

九代東野僖適晉爲大夫生子摠

十代東野摠生子二長繪次純

十一代東野繪爲晉卿生子圍

十二代東野圍生子煙

十三代東野煙生子畢

十四代東野畢自晉還魯嘗師於閔子又事定公  
以善御見稱於顏子生子三璋珙璜

十五代東野璋生子二長獲次汴

十六代東野獲字獲德隱居不仕師鬼谷子受衛  
生之術生子四輔輸軌轅

十七代東野輔生子四和閏愛敬

十八代東野和與弟閏俱無嗣季弟愛生子勤

十九代東野勤生子二長葵次宣

二十代東野葵性敏好學爲魯大夫生子質

二十一代東野質字中美遭楚考王滅魯共公族

計五百餘門悉被屠戮殘傷離散惟質負子携

譜竄於東吳至始皇三十七年乃還魯生子環

二十二代東野環字廷噐有文武林自吳過沛還

魯從漢高帝起兵伐秦及入關數以計獻帝不

從托疾而還帝以金帛致書累召伐楚稱疾不

就後帝過魯親幸其宅謁周公廟及卽帝位贈

環以都尉生子二長備次億

二十三代東野備字元德漢文帝二年癸亥徵爲

博士生子三詠諲譁

二十四代東野詠字誦之景帝六年丁酉授穀城

令生子福

二十五代東野福字與謙生子琳

二十六代東野琳生子萬年

二十七代東野萬年生子三昭敏聰

二十八代東野昭字克昭嗣絕弟敏字克敏東漢

光武建武元年授湖陽主簿生子三敬誠志  
四十九代東野敬嗣絕弟誠生子珣

三十代東野珣生子二長熙次壘

三十一代東野熙字文明漢末黃巾倡亂自三國  
及晉兵戈不息舉族流東海寄居五世生子秀

三十二代東野秀字汝實居東海生子二雄英

三十三代東野雄嗣絕弟英生子五莊定靜安得

三十四代東野莊居東海生子芳

三十五代東野芳字德馨宋武帝永初二年自東  
海抱姓譜及親族計五十七人還魯有荊州刺

史謝公晦譜序生子二長達次達

三十六代東野達字長仁有德行文學宋元帝元  
嘉四年授御史中丞生子二長盈次增

三十七代東野盈字若虛生子二長彥次傑

三十八代東野彥字邦美生子恭

三十九代東野恭生子三珽玉璟

四十代東野珽嗣絕弟玉生子二長旺次興

四十一代東野旺有學有守生子二長俊次愨

四十二代東野俊生子永

四十三代東野永生子二長宿次寬

四十四代東野宿嗣絕弟寬生子三順須顧

四十五代東野順生子三昂杲昱

四十六代東野昂生子三嵩山嶽

四十七代東野嵩嗣絕弟山生子廣

四十八代東野廣字士弘舉明經生子三幄幌幅

四十九代東野幄生子二長淄次輜

五十代東野淄生子二長驄次騎

五十一代東野驄嗣絕弟騎生子紆

五十二代東野紆克紹先業世居於魯大中祥符

元年十有一月宋真宗如曲阜幸周公廟祀以

太牢追謚文憲王命官新廟於舊基之上豎碑

刻文以崇制禮作樂之功又聞東野數世同居

孝義明著詔旌其門生子二長真次元

五十三代東野真生子管

五十四代東野管生子觀

五十五代東野觀字光國徽宗崇寧二年授海州

刺史生子二長早次道

五十六代東野早生子木

五十七代東野木字仁甫生子彥通

五十八代東野彥通金世宗大定五年授城武縣

令生子二長安上次作善

五十九代東野安上生子勅

六十代東野勅嗣絕堂弟瑀字文珮作善子天性仁厚金太定二十三年縣令命督理築城得骸骨甚多營地悉葬之仍致祭以安厥魂金哀宗開興元年太宗兵圍金汴城遠近震恐舉族逃避及兵少息惟瑀與勅還魯至元三年贈亞中大夫濟寧路總管輕車都尉追封平原郡侯生子榮

六十一代東野榮字茂之泰定元年泰定帝贈承直郎濟寧路判官四年復贈奉議大夫萊州知州又封曲阜縣子元統元年又贈中順大夫中山府知府追封平原郡伯至元三年又贈嘉議大夫真定路總管上輕車都尉追封平原郡侯生子二長潛次明

六十二代東野潛字剛克以德行問學爲鄉里敬服因薦授濟南校官繼選從仕翰林尋陞玉堂掾大德六年受承事郎同知亳州事以父疾棄官歸養父卒服闋憲臺以潛廉正擢承務郎江南諸道行御史臺照磨兼嶽承改承直郎江陵



推官泰定四年泰定帝改授奉議大夫沂州知州元統二年進陞中順大夫廣西兩江道宣慰副使僉都元帥府事至元三年上疏乞致仕順帝優加嘉議大夫益都路總管生子賁  
六十三代東野賁字以光生子七德中德和德欽德臣德讓德賢德元

六十四代東野德中字惟執以祖廕補從仕郎洪澤屯令生子二長子禮次子寅

六十五代東野子禮字仲節嗣絕堂弟子儀字仲立號達泉德欽子生元至正二年正月二十一

日年二十有六當天天下兵作合族西遁至東昌遇寇相失自竄彰德

國朝洪武初有司以雄才特荐不欲仕避隱北直大名府開州以明經教訓生徒洪武五年還曲阜祭掃觀周公廟東野祖祠墓時皆傾圮及故宅恒產盡爲他姓所據遂號泣而還開州因備修譜牒圖繪祖像以傳於來世永樂十四年二月二十七日卒年七十有五遺孤玘甫七歲門人王政紀振皆戊戌進士率同門數十人爲治其喪葬於戚城題其墓曰東野達泉先生墓

六十六代東野玘字廷玉號澶淵生于永樂八年  
十月十八日幼失怙恃托居母妹之夫家後爲  
從事於憲臺有廉吏之稱及聞母妹訃奏請守  
制以報其德獲 上允當道御史鈞州馬文升  
知爲周公之後且嘉其義爲題其譜後仕廣資  
宰休致還宗弘治四年十月十九日卒享年八  
十有三生子世祿女一適襲封衍聖公孔弘緒  
六十七代東野禮弘治二年山東撫按訪求周公  
之後給其衣巾主奉祀事生子興  
六十八代東野興生子韶

六十九代東野韶生子義

七十代東野義生子武

七十一代東野武

先賢仲子

仲由字子路詳具列傳不重書

祠廟

仲子廟在兗州府泗水縣東廓

國朝萬曆十九年三月知縣譚好善勅建立六十  
代宗子仲銓世衍奉祀給祭田四十五畝除免徵  
糧與銓收租爲春秋丁祭之費二十一年山東提  
學僉事周應治給銓子仲則顯衣巾承祀知縣尤  
應魯增置祭田加修廟宇廟左建坊榜曰先賢仲  
子故里廟右爲宗子宅嗚呼仲氏遺蹟方自此始

與陋巷三遷比隆矣

仲氏姓譜

先賢仲子由高辛氏之後也高辛氏有才子八人  
時稱八元有仲曰堪其子因以王父字爲氏厥後  
子姓遂以仲姓傳焉傳至夏商有奚仲居薛爲車  
服正奚仲之子仲虺爲湯左相作商誥迨中葉有  
子路七世祖仲谷爲魯卞邑大夫遂棲居魯卞城  
鄉谷生奘奘生式式生度度生肇肇生拱北拱北  
生鳧娶宋氏三十無子嘗禱於神母夜夢異物入  
懷非兕非虎黃質黑文寤以告鳧鳧曰汝產是子  
長必長人越三日雲霧大作繞庭空中祥光若電

母怪而驚是夕遂生命名曰由時周景王三年巳未九月初七日卽魯襄公三十一年也享年六十有三卒於周敬王四十年辛酉三月初三日卽魯哀公十五年葬於澶淵卽今之開州有墓在焉生子二長子崔次子啟

宗子世紀

二代仲子崔因父遇衛難欲報讐告於孔子曰行矣遂決戰於城西時狐厲持戟與子崔戰而死弟子啓甫十三歲奉母奔喪號泣如成人禮後八年母顏氏卒開壙合葬於澶淵始還卞

三代仲序

四代仲稱乾

五代仲發志

六代仲

七代仲繼立

八代仲

九代仲隆習儒業時秦并天下徒豪傑禁偶語制作紛紛隆懼將罹坑焚遂隱鳧嶧下

十代仲

十一代仲光仕漢爲右扶風西羌入寇遣光擊之

十二代仲

十三代仲經

十四代仲伸醴

十五代仲玄

十六代仲

十七代仲世德漢赤眉瑯琊樊崇等亂山東劫良

民以從世德挈室家流於延就亭南四十里橫

坊村

十八代仲馳

十九代仲須

二十代仲

二十一代仲時鳴隱居魯城漢舉孝廉稱疾不仕

二十二代仲強

二十三代仲杲仕東晉為尚書

二十四代仲

二十五代仲慶

二十六代仲愷

二十七代仲濬在嶧山石鼓洞隱居終其身

二十八代仲

二十九代仲

三十代仲誨

三十一代仲遠性剛直方正敢言時人謂之小子路

三十二代仲恩

三十三代仲孝俊隋大業間汝南郡主簿博物洽聞才敏如風生下筆千萬言立就時有撰人多慕之

慕之

三十四代仲

三十五代仲子陵習禮自名其家唐舉賢良擢為常侍

三十六代仲文

三十七代仲關

三十八代仲

三十九代仲俟弟保為進義校尉

四十代仲贖

四十一代仲

四十二代仲暹

四十三代仲國聘

四十四代仲永宗

四十五代仲簡宋真宗時舉進士累官刑部郎

四十六代仲勵

四十七代仲憑

四十八代仲潔

四十九代仲

五十代仲銜

五十一代仲

五十二代仲集

五十三代仲策元順宗時為南京評事

五十四代仲旺

五十五代仲伯安

五十六代仲春

五十七代仲巨

五十八代仲瑤原寄籍濟寧南十四圖嘉靖間過

籍南十二圖

五十九代仲呂萬曆十九年復泗水縣籍奉祀子

路祠生子二長銓次鐸

六十代仲銓萬曆二十年泗水縣知縣譚好善立

為宗子給祭田百畝永主祀事生子則顯

六十一代仲則顯萬曆二十一年八月山東提學

僉事周應治給其衣巾主奉祀事



聖門志後序

今天下所稱傳聖人心出聖人門爲聖人徒而取  
巍第躡榮階進而樹績建勳退而嘯林娛草卽或  
有意千秋操觚一室知惟眩博鬪竒誇騁曾臆大  
之褒毀古今小之嫁情魚鳥非迎聲天上人則鬻  
譽地下朽豈復念升高自何梯級立命恃何根柢  
視聖賢胤鄒魯鄉等之尋常寒冑家園里巷見猶  
過眼了不關懷者踵武而肩隨也何意有叅藩呂  
公冠洋及孝秀聖符之父子合念勤惠聖門以謂  
闕里祇傳聖緒陋巷惟著本宗兼之輟跡迴環散

見他卷門系姓譜家各自藏安得併函使人皆得見之爲快也于是以自公之暇採錄傳記肆搜載集先之以年表林墓配哲諸傳用以章聖賢之始末繼之以先儒改罷數條以見從祀之優崇又繼之四譜二博令錄支裔謂非嫡脉未易霑恩又繼之祀典以至樂章地里以及廟林予以昭隆禮美遺休也莫不人附世以傳遠代借人以弘道靈柯自繁英葉湛露樂得榮施二千年之德音若猶耳擊十百枝之繼紹不翅眼觀且秦岱沂河之壯書臺家井之瑣靡不具列何論聖門裔胤越千古而

復會乎一堂卽普天後彥啓單帙而若見乎羣聖矣公寧獨以叅佐功澤漑灌東人稱循良第一已哉志成使聖符來乞余序因念聖符考索家乘及諸撰著客余齋頭至淹旬月每篝燈晤談道腴漸洽竊謂公家父子真所謂傳心出門而爲之徒者也特愧余家上世列聖門者八人視諸高足未有倫等今復染毫頌言編末亦何陋巷後塵不愧其陋而更欲以今陋續前陋也

萬曆癸丑七月旣望

復聖六十五代孫世襲翰林院五經博士顏胤祚

頓首謹序

呂兩公傳

樵李岳元聲撰

千古著記情想莫不懸埃嵬異快發光熾垂耀來  
目誠樂事與撰遇如暵非不同時勝舍不同歸史  
漢後先合爲一傳稱大家竒撰乃後世有同氣與  
聲若機雲軼轍卒不免人自爲篇豈事不遇手耶  
今有死于生人死于死弟偕生偕死之呂兩公而  
手無樂撰殊爲藝場短氣是用強學伎癢作呂兩  
公傳呂兩公爲鹽官兩藩幕元美字仲冲元善字  
季可父爲昭勇將軍望洋公相周胡襄繆鎮浙時

嘗以偏師授之有平閩寇功晚繼于胡而孿生兩  
公又暮年子珍愛若掌中兩夜光也生而歲月日  
同娟秀啼笑同牽衣繞膝拜起同愛弄紙筆咿唔  
章句同昭勇公曰前婦一兒以克家慰我六十前  
後婦兩嬰以跳地娛我六十後亦衰晚血脉一快  
也僅七齡而昭勇公棄所慰快去便以兩孩提隨  
其兄太學公元聲字伯宣稱泣血孤十一游南雍  
且日趨班行卽大司成不無哀憐少子乎第心念  
其雙雙來兩甲角生而已弱冠協和初賦兄儷王  
弟耦倪卽孀慈陰幸其競爽亦第見其爲兩佳兒  
佳婦而已自茲母喪未幾而猶子暴亡兄嫂併命  
兩公惟知骨肉竒痛息息以大宗之斷絕爲悲卽  
肺腑心知執途之人耳相贊道亦無過曰不見有  
兄之家之兩賢而已比當兄弟受官兄處而不卽  
爲藩佐弟出而爲山東都事又若同而不必同者  
故人見爲都事之再辭州縣攝以著廉四叅文武  
闡試以見賢獨志聖門以隆聖學更修通志以表  
聖鄉六拜表

闕廷以承光寵五輪部寺山海衣餉以展勞勩八  
年之間一當中丞臺三荷直指使薦剡以彰灼其

名稱亦第曰才能參幕不負受任而已又見不爲  
叅佐而巷其處竭蹶支門屏拮据辦租賦內郵任  
寡下訓阿咸睦族姓而締交親樹籬壁而禦非侮  
亦第曰家能任長是亦爲政而已殊不知不當于  
兩公生用知呂兩公當觀兩公死而後知呂兩公  
之大也當季可叅幕山以東地焚如無青草所在  
人相食州縣不能使天雨粟果六郡枵則惟都事  
能副署藩劉叅知飛糴捷賑法焦心剔臆無晷漏  
間青齊人數十百萬則生而都事一拜理問精竭  
死矣凶問突自數千里外來仲冲迎聲破心一慟

而絕已復甦曰吾與弟偕來今成獨往耶聯株半  
死我能半生耶弟謂民同胞而死我不能死同胞  
弟耶弟能竭身官下我則孤立原上耶弟不死于  
婦人之手我猶係戀妻孥耶遂冥默不語悵恍若  
失去季可死官僅四閱月而一夕逝也夫死官時  
有也不忍其民之死而死之爲難能也兄弟同歲  
死亦時有也不忍其弟之死而死殉之爲尤難也  
推兩公之死而以弟之死生天下饑困以兄之死  
愛天下骨肉則是舉生與愛之兩語合天下樞紐  
于兩公之一死也詎得謂一父母一家庭一成均

一省會之兩佳兒兩卍角生不有兄家之兩賢與  
夫才叅幕能任長而已哉余故曰當觀兩公死而  
後知呂兩公之大也兩公生隆慶己巳之嘉平七  
日兄僅先于弟亥時之戌卒于萬曆己未之寅午  
兩月兄則後弟二十四日之二十六日也兄擅一  
時爲長弟遜四月爲短兄猶恨恨後此四月死爲  
偕生而不偕死也春秋同五十有一仲冲一女季  
可有才子子兆祥字聖符稱東南名下云野史氏  
曰昇哉呂兩公之以一乳並賢與夜夏差肩爭古  
今也力脈推神讓德不任死職胡辛過于任而成  
其爲臣兩身合併隻死安行番愧其生過于友而  
成其爲兄衛有兄弟死亦足豪伋銜使而勇赴壽  
先兄而奪旄不兩公子之過死宜呂兩公之名高  
物亦有之一桴二米且爲天下輕重多少長短程  
于人而不足爲天下兄弟生與愛之衡乎

重修山東通志叙

萬曆丙辰

歸安錢士完撰

山東巡撫

山東故有通志成于嘉靖癸巳學憲吾浙陸公舉之其採摭淵博條目簡盡卷僅四十而包括唐虞九州之二郭域春秋齊魯大小附庸三十餘國函載左國史漢歷朝之聖哲賢豪循卓奮衛至不可更僕數業既垂今且八十餘載猶使展卷一室不翅舉泰山一磊砢東海一杯酌洙泗洗汶沂濟一衣帶于几席間也一日千里作者匪易不可不念良工苦心惟是在官著作未免掣于簿書期會事

屬創始益難驟以搜緝爲工且謂題名有碑闕陋  
有志鄉舉有錄似可緩置不知名有逸于題碑若  
無按之有劉煥龍韜藩臬之有安然張海等在也  
至于四氏各有源脉錄第何得置科豈陸公懸此  
冀以待之後人而不謂竟有後人爲浙鹽藩都呂  
君元善也呂君澄靜讀書能以暇豫應接公家間  
卽捉卷力以續志爲心曾不謂身處屈下捨放擔  
當也是以每從公衙旅見察其形貌雖恭而沉默  
低迴若有所思也者歲當丙辰俄以就草拜手上  
余曰下吏罔知識敢竭闇短爲山以東宣力諸公

聖賢一脉翔翥九蒼者光昭千禩計漫標亮帶脫  
不于志有垂願以簡端上乞華袞余爲拓卷詳覽  
而于舊日有加則有宣聖年表諸賢系緒崇道恩  
襲歷闡鄉雋莫不犁然灼耀篇冊若夫登績輸勤  
內臺外署後先至益千七百四十有奇而余緬然  
得余其列不覺對姓名而凜懷負乘也使見前在  
事有覩名不轉一念必其人非吾氣類愧茲懿德  
者矣閱卷得益其謂是乎志成而君復鉉用已俸  
尤不可于今日下寮更望有如君者余惟司馬子  
長史記猶有未竟之文而博士褚大爲補丞相龜



策諸傳范蔚宗漢書尚留未了之局而郟令劉昭  
爲續天文輿地諸志使後人緝誦宛若完書今陸  
公舉之通志山東亦有剽撰而呂君爲足職官聖  
賢科目薦舉圖譜諸篇而志更煥然是陸公固不  
遜乎子長蔚宗而呂君亦無愧乎褚劉之鼎足之  
也

重修山東通志後叙

萬曆丙辰

新城耿庭栢撰

太常少卿

國家之治所以甲千古而高百王者凡以

聖君賢佐得聖學者純設科取士尚經術者專也

然學術承傳本之刪述而刪述之聖生自山東山

東固聖學聖經之淵極九流萬派之根宗匪第曰

泰山不必與嵩華爭而倍覺巍峻沂泗不必與江

淮競而愈自渟泓有以爲山東重已也所貴當世

得之純尚之專而

經筵納牖實有以沃

聖門志卷之六  
主心爲出治之大原設科明經尤藉以正臣術爲  
襄理之至準

列聖群工神染脉授垂之爲二百四十餘年久安  
長治回視往代不有以屈漢之資更爲治晉之門  
第取人唐宋之急功利重詩賦也乎是

昭代取精于山東也大山東之翼佐今天下也厚  
矣顧在昔學憲陸公通志謙讓不遑何必山東遠  
處厚大尚于聖門傳統經術羅賢志前未備志後  
無窮一切舉而付諸後之賢者此固有識默冀有  
人爲之纂續使天下更爲山東具隻眼也乃復有

浙西鹽官呂公冠洋爲吾鄉乙酉孝廉許公明吾  
婿也于歲壬子來叅薇省都幕佐公多暇覽此惜  
焉以謂先志成于嘉靖癸巳而陸公前賢創始昭  
垂卓有大體颯颯乎大國風也善則不賢敢志其  
小乃褒羅志乘肆探碑譜手自採擷乞乞編摩惟  
于舊目三十六則之間謂職官敷澤乎山東者也  
然癸巳已前人多失載增至百二十二人如鐵尚  
書胡侍郎威稱遼國之忠後此則撫按諸臺藩臬  
寮武績有之五百二十五人之多要皆基績東省  
功滿四海聲耀千秋人也嗣是而謂聖賢生山東

聖門志 卷之六  
垂教古今者也是以先師有年表四氏有封典家  
門有譜系弟子有名次莫不自流承源登枝念本  
道益爛乎日星慶逾浹乎雨露矣去此而科目見  
山東尚經術者專也無論國初薦舉增至千人前  
志鄉舉不載今採自隆慶丁卯及萬曆乙卯各榜  
全收而典試諸公亦借名闕焉又謂圖者見山東  
山川人物禮樂于天下者也舊圖僅十有九今益  
圖百二十有五其于左圖之義亦有合焉大較增  
續考訂歷歲者三而後克就且復捐俸勤梓不煩  
公帑竟有以補裨四明陸公未了之案公可謂知  
聖學之有宗重經術之有用而于山以東之大且  
厚者實賴公手更拭天下之日公豈特以著撰見  
功已哉





